



30. juni 2010

Inatsisartut peqqussutaat § 36, stk. 1 naapertorlugu ima ataani allassimasunik Naalakkersuisunut apeqquteqarniarpunga:

Naalakkersuisunut apeqqutit:

1. **Suna pissutaava KNR –ip Namminersortullu Oqartussat akornanni suli inaarutaasumik isumaqatigiissutiliorsimanninnerat januarip aallaqqaataaniit 2009-mit siunissamut ukiut sisamanoortumik?**
2. **Qanoq ilillutik Naalakkersuisut qulakkiissavaat KNR-ip inuiaqatigiinni sullissisarnissaminut eqqortitsinissaat inaarutaasumik isumaqatigiissutiliortoqarsimanninnera atuutsillugu?**
3. **Naalakkersuisut qanoq siumut sammisumik iliuseqassappat ukiup affaa sinnerlugu KNR-ip Namminersortullu Oqartussat akornanni allakkatigut inaarutaasumik isumaqatigiissutiliorsimanninnerat pinngitsoorteqqikkusullugu?**

(Inatsisartunut ilaasortaq Andreas Uldum, Demokraatit)

Pissutaasoq:

Qutsavigerusuppara Kultureqarnermut, Ilinniagaqarnermut, Ilisimatusarnermut, Ilageeqarnermullu Naalakkersuisoq apeqqutikka KNR-ip inuiaqatigiinnut sullissisarnermi pisussaaffianut tunngasut akisimammagit (Apeqqut nr. 2010-122). Taamaattorli akissutigineqartup imarisaa naammaginartippallaanngilara, maannalu apeqquteqaateqaqqillunga.

Naammaginngisama pissutigaa KNR-i inaarutaasumik allakkatigut isumaqatigiissuteqarfigineqarsimanninguatsiarmat tamannalu taamaattuarsimavoq januarip aallaqqaataaniit 2009-miit.

Kultureqarnermut, Ilinniagaqarnermut, Ilisimatusarnermut, Ilageeqarnermullu Naalakkersuisoq ima allappoq:

”Naalakkersuisut KNR-ilu Inatsisartut peqqussutaat § 28 nr. 6, 14. november 2004- meersoq malillugu isumaqatigiipput radio-mi aamma tv-mi suliffeqarfinni ukiut sisamakkaartumik

inaarutaasumik isumaqatigiissutiliortoqartassasoq, matumanilu inuiaqatigiinni sullissinerup annertussusaa qanoq issusaalu aalajangersarneqartassasoq.”

Isumaga malillugu Naalackersuisut inuiaqatigiinnut sullissinissamut pisussaaffiisa qulakkeernissaat ajornakusoortittorujussuussavaat, inaarutaasumimmi isumaqatigiissutiliortoqarsimanngisaannarmat.

Qinnutigissavara apeqqutiga ullut qulit suliffiusut iluanni akineqassasoq.